

Parlament communal Ilanz/Glion Communicaziun allas medias

La mesjamna sera ha il parlament communal revediu ina gliesta da tractandas fetg pulpusa e decidiu sin iniziativa d'ina incumbensa parlamentaria in scamond da fiugs artificialis sin igl entir intschess communal. Aschia vul il parlament communal evitar emissiuns da canera e d'ambient, tgei che corrispunda al giavisch da biars. Plinavon sustegn il parlament communal Ilanz/Glion il project «Minas da Gulatsch» a Rueun cun 30'000 francs ed ina garanzia da deficit da 20'000 francs. Il project che vul valorisar turisticamein las gallarias historicas e lur contuorn sur Rueun ch'ei strusch accessiblas ni vegnidas nezegiadas entochen dacheu e che duei daventar ina part dalla Via Glion, ei vegnius inziaus dall'uniun Rueun Viva ed elaboraus en collaboraziun cun la vischnaunca e la Surselva Turissem SA.

Per la renovaziun dil plaz da giugs Paradieswäldli a Glion, il qual ei vegnius construius avon 15 onns ed ha da basegns ina sanaziun, ha il parlament communal concediu in credit brut da 200'000 francs. La sanaziun ei part dil concept per il svilup dallas piazzas da giugs dalla vischnaunca Ilanz/Glion, tal ei era vegnius presentaus al parlament. El porscha ina survesta dallas 12 piazzas da giugs existentas e co ellas duein vegnir svilupadas ils proxims onns. Sco loghens centrals d'experientscha per ils affons duein ellas esser diversas, aventurusas e segiras. In'ulteriura piazza da giugs duei vegnir eregida a Schnaus. Legreivlamein crescha il diember d'affons puspei en quella fracziun.

Il parlament communal ha plinavon approbau il credit d'impegn per la midada dall'illuminaziun publica sin LED. Il mument ein 60 pertschien dallas cazzolas aunc convenziunalas. La midada duei succeder denter ils onns 2021 e 2025. Ils cuosts totals muntan a 970'000 francs. L'illuminaziun dil vitg vegn migliurada ed il consum d'energia, ils cuosts d'electricitad e manteniment sco era la polluziun tras glisch san vegnir reduci marcantamein.

Ultra da quei ei la revisiun parziala dalla lescha da taglia dalla vischnaunca Ilanz/Glion vegnida approbada. Uss ein tgauns da protecziun da muntaneras, tgauns da saung e tgauns da survetsch dil corp da guardias da cunfin e dall'armada svizra deliberai dalla taglia sin tgauns. Muort la problematica dil luf ella Surselva ston ins engaschar adina pli savens tgauns da muntaneras. Medemamein ha il parlament communal Ilanz/Glion approbau la cunvegna da prestaziun cun l'uniun Cinema Sil Plaz per la durada 2022–2026 ed ina contribuziun annuala da 20'000 francs. Il Cinema Sil Plaz porscha ina vasta purschida dad occurrenzas culturalas sco films, concerts, lecturas e presentaziuns da teater ed ei da gronda muntada per la veta culturala enteifer la vischnaunca sco era ella regiun.

Suenter dus onns lavur intensiva ha il parlament saviu prender per enconuschientscha il maletg empalont dil territori communal MTC. La direcziun strategica e la strategia dil svilup dallas 13 fracziuns ein vegni presentadai dils architects ed accumpignaders dil project, Rainer Weitschies e Christoph Sauter.

La proxima sesida dil parlament ha liug mesjamna, ils 23 da zercladur 2021 allas 19.00 a Glion.

Ilanz/Glion, ils 29 d'avrel 2021

Parlament communal Ilanz/Glion

Gemeindeparlament Ilanz/Glion

Medienmitteilung

Das Gemeindeparlament Ilanz/Glion hat am Mittwochabend eine reich befrachtete Traktandenliste bearbeitet und auf Anstoss eines parlamentarischen Auftrags hin beschlossen, dass das Abfeuern von lärmendem Feuerwerk künftig auf dem gesamten Gemeindegebiet verboten ist. Damit will das Gemeindeparlament die mit Feuerwerk einhergehenden Lärm- und Umweltemissionen vermeiden, was einem Anliegen vieler entspricht. Des Weiteren unterstützt das Gemeindeparlament Ilanz/Glion das Projekt «Minas da Gulatsch» in Rueun mit 30'000 Franken und einer Defizitgarantie von 20'000 Franken. Das Projekt, welches die bis anhin kaum zugänglichen und genutzten historischen Stollen oberhalb von Rueun und deren Umgebung touristisch in Wert setzen will und Teil der Via Glion werden soll, wurde vom Verein Rueun Viva initiiert und in Zusammenarbeit mit der Gemeinde und der Surselva Tourismus AG ausgearbeitet.

Für die Erneuerung des Kinderspielplatzes Paradieswäldli in Ilanz, welcher vor 15 Jahren erstellt wurde und sich in einem sanierungsbedürftigen Zustand befindet, hat das Gemeindeparlament einen Bruttokredit von 200'000 Franken gesprochen. Die Sanierung ist Teil des Spielplatzentwicklungskonzepts der Gemeinde Ilanz/Glion, welches dem Parlament ebenfalls vorgestellt worden ist. Es liefert einen Überblick über die zwölf bestehenden Kinderspielplätze und wie sie in den nächsten Jahren weiterentwickelt werden sollen. Als zentrale Erfahrungsräume für die Kinder sollen sie vielfältig, erlebnisreich und sicher sein. Ein zusätzlicher Spielplatz soll in Schnaus entstehen, wo die Kinderzahl erfreulicherweise wieder steigt.

Das Gemeindeparlament hat zudem dem Verpflichtungskredit zur Umstellung der öffentlichen Beleuchtung auf LED zugestimmt. Im Moment sind noch 60 Prozent konventionelle Leuchten. Die Umstellung soll in den Jahren 2021 bis 2025 erfolgen. Die Gesamtkosten betragen 970'000 Franken. Die Ausleuchtung des Dorfes wird somit optimiert und der Energieverbrauch, die Strom- und Wartungskosten sowie die Lichtverschmutzung können erheblich reduziert werden.

Ausserdem wurde die Teilrevision des Steuergesetzes der Gemeinde Ilanz/Glion genehmigt. So sind nun Herdenschutzhunde, Schweiss Hunde sowie Diensthunde des Grenzwachkorps und der Schweizer Armee von der Entrichtung der Hundesteuer befreit. Aufgrund der Wolfsproblematik in der Surselva müssen vermehrt Herdenschutzhunde eingesetzt werden. Das Gemeindeparlament Ilanz/Glion hat zudem die Leistungsvereinbarung mit dem Verein Cinema Sil Plaz für die Dauer 2022–2026 und einem jährlichen Beitrag von 20'000 Franken genehmigt. Das Cinema Sil Plaz bietet ein vielseitiges Angebot an Kulturveranstaltungen wie Filme, Konzerte, Lesungen und Theateraufführungen und ist für das Kulturleben innerhalb der Gemeinde sowie in der Region von grosser Bedeutung.

Nach zwei Jahren intensiver Arbeit konnte dem Parlament das Kommunal Räumliche Leitbild KRL zur Kenntnis gebracht werden. Die strategische Ausrichtung und Entwicklungsstrategie der 13 Fraktionen wurden von den Architekten und Projektbegleitern, Rainer Weitschies und Christoph Sauter, erläutert.

Die nächste Gemeindeparlamentssitzung findet am Mittwoch, dem 23. Juni 2021, um 19.00 Uhr in Ilanz statt.

Ilanz/Glion, den 29. April 2021

Gemeindeparlament Ilanz/Glion